


Ihumanea Pāngarau MiereMāhau

Ko Merekara te rangatira o te umanga MiereMāhau.

E hiahia ana ia kia hangaia tētahi pouaka hei hoko i te miere kotahi kapu te rōrahi.

E ai ki tana hoa, he ōrite te 1 kapu ki te 240ml. He ōrite hoki te 1ml ki te 1cm³.



1. He aha ētahi inenga mō te pouaka? Whakaarohia kia toru ngā pouaka he rerekē ngā inenga o tēnā me tēnā.
2. Tuhia te raumata o tētahi o ngā pouaka ki te kāri me ngā inenga o ngā tapa.
3. Hangaia tēnei pouaka. Whakamātauria kia kitea ai mēnā ka uru te kotahi kapu onepū ki roto.
4. Whiriwhiria te horahanga o te kāri hei hanga i tēnei pouaka (hei aha noa ngā wāhanga whakapiri).
5. He nui te utu o te kāri hei hanga i ēnei momo pouaka, engari he iti ake i te ipu kirihou, waihoki he pai ake mō te taiao. He aha ngā inenga o te pouaka kotahi kapu te rōrahi, engari he iti rawa atu te kāri hei hanga i te pouaka?
6. He aha ngā inenga o tētahi pouaka e 2 kapu te rōrahi? Hangaia te pouaka, ka whakamātau ai i tōna rōrahi. (Whakamahia pea kia rua ngā kapu onepū)